

سنة لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرئی اوله رق
اون بش غروش ضم اولنور

نسخه سی ۴۰ پاره در

قانون اول افرنجی

آبونه اولق ایستینلر دائره عدلیه ده
اداره مخصوصه سنه مراجعت
ایملدر

اعلاماتک بهرندن بر مجیدیه احد
ایملور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تبلیغات

محاکمین لاحق اولان اعلامات اصلارینک محکوم له و صورتنک محکوم علیه اعطا و تبلیغ اولنه جنی اصول محاکمات حقوقیه قانوننک یوزاوتوز التبعی ماده سنده مصرح اولوب انجق مدعی طرفنک دعواسنده قسماً حقی و قسماً حقسز چیقمش و شو صورتله طرفین متخاصمین هم محکوم له و هم محکوم علیه صفتی اکتساب ایلمش اولدینی حالده بو وجهله لاحق اولان اعلاماتک اصل و صورتی بونلردن هانکیسنه تبلیغ و اعطا اولنق اقتضا ایده چکی صراحت قانون. نیهنک فقدانندن ناشی محتاج استیضاح کورندیکندن بحثله استفسار معاملاتی متضمن در سعادت بدایت محکمه سی ایکنجی حقوق دائره سی ریاستندن اعطا قلنان مذکره اوزرینه ایجابی انجمن عدلیه جه لدی التذکر اصول محاکمات حقوقیه قانوننک سالف الذکر یوزاوتوزا تبعی ماده سی مواد حقوقیه متعلق دعاوی حقنده محاکم عانده سندن تنظیم و اعطا قلنان اعلاماتک موقع اجرا معرفتیه حکمی تنفیذ ایتدیرمک ایچون محکوم له جانبندن مراجعت و قوعی طبیعت مصلحت اقتضاسندن اولسی اعتباریه حکماً ثابت اولان حقوقی استحصال ایچون اعلامات مذکورنک تابع اولدینی خرج و رسومی تسویه و ابشی تعقیب ایده چک اولان محکوم له اصلنک و استیناف و تمیز مدتلرینک تعیین و معاملات تنفیذیهنک جریانی خصوصارنده حائز تأثیر اولان تبلیغات قانونیهنک حصولی ایچونده محکوم علیه صورتلرینک اعطا و تبلیغ اولنسی قواعد عمومیه سی مبین اولوب محکوم له طرفندن صور محرره دائره سنده مراجعت و قوعبولدینی و بالعکس محکوم عایهک احکام صادره یی مغایر اصول و نظام اولق ذهابیه استیناف و تمیز طریقله فسخ و نقض ایتدیرمک اوزره علیهنده کی اعلاماتک خرجی ایضا ایله طرفنه اعطاسی طلبنده بولدینی حالده شو طلبک مذکور یوز اون التبعی ماده قانونیه مخالفتی سر رشته سیله محکوم لهک مراجعتنه

تعلیق معامله اولنق صورتیه عدم ترویجی رهین جواز ارله میوب بوصورت مراجعت کوره خرج اعلامی تسویه ایدن طرفه ولو محکوم علیه اولسون اصلنک اعطا و خصمنه ده صورت مصدق سنک علی الاصول تبلیغ ایدلسی امور لازمیدن و متن مذکرده تصور اولدینی وجهله قسماً حقی و قسماً حقسز چیقمش اولان طرفندن برینک مراجعتی اوزرینه لازم کلان خرج و رسومک اخذیه اولباده کی اعلاماتک اصللرینک کذلک خرجی تسویه ایدن طرفه و بر نسخه سنک خصمنه تبلیغ و اعطاسی مراجعت مذکورنک ایجابات طبیعه سندن کورنمش و شو قدرکه قسماً و یا تماماً دعواسنده حقسز چیقمش اولان طرفنک اصل اعلامی آلمسندن ناشی علیهنده کی مقررانک استیناف و تمیز مدتلرینک تعیین مبدئی کندوسنه تبلیغات قانونیهنک عدم و قوعی ملاسه سیله غیر قابل اوله رق مرور زمان حدیه دکن مافوقی محکمه سنه سوق دعوی ایدیه سیله چکندن شو استفاده سنه میدان ویرمامک و مدت معینه سی طرفنده دعواسنی درجات محاکدن کچورمدیکی تقدیرده حقوق محکومه سی استیفا ضمنتده دائره اجراجه حکم اعلامی تنفیذ ایتدیرمک ایچون خصم جانبندن طلب و قوعنده اعلام مذکورک دیگر برقطعه صورتنک خرجی بالاخذ اولجه اصل اعلامی آتش اولان طرفه تبلیغی دخی مجاز اولدینک جواباً ریاست مذکوریه تبلیغی و برده بعض محاکمه خرجی محکوم علیه طرفندن تسویه اولنان اعلاماتک بونلره اصللری ویرلیه رک صورت مصدق لری اعطا قلنمقده اولمسندن طولانی محکمه تمیزک مقررات متعددده سنده کوسترلیدی اوزره شو یولده سبق ایدن معامله خرجک صورت تسویه سی نقطه سندن تبلیغات قانونیه مقامنده عد و اعتبار ایدلما مکده اولدینی حالده عند الاستیناف عکسی یولده قرارلر لحوقه سیبیت ویرمکده اولدینسندن بعد اذین خرج اعلام هسانکی طرفندن استیفا اولنش ایسه اصل اعلاماتک اکا ویرلیه رک صورتنک خصمنه تبلیغی اصولنک جریانیله مقررات تمیزیه توفیق حرکت لزومنک دخی تعمیماً ازباری

انجمن مذکوردن افاده قلنمقشدر.

ملترم یوصیفی وخرستو دولینک اشعار بدلندن خزینة جلیله مالیه ایله محلی زراعت بانق شعبه سنه اولان دیوننک استیفاسی ضمنتده موقع مزایده یه قونیلوب ادرنده ده مقیم الیازار افندی یه حاله قطعیه سی اجرا قلنان اموال غیر منقوله لرینک بدل مزایده سی اولان طقسان سکزی بیک اوچیوز الی غروشک شرائط مزایده دائره سنده سندات مخصوصه اخذیه و تقاص و محسوب صورتیه استیفاسی لزومی ادرنه ولایتک اشعارینه عطفاً متصرفلقدن بیلدیرلش و مزاد قائمه سنده بو وجهله بر شرط موجود اولدینی کبی شعبه مأموری جانبندن دخی باقیه عائد مطلوباتک نقداً استحصالی اقتضا ایده چکی درمیان ایدلنکده بولنش اولدینسندن بحثله استفسار معاملاتی متضمن قرق کلیسا سنجانی بدایت محکمه سی ریاستندن وارد اولان شقه اوزرینه انجمن عدلیه دن تنظیم و اعطا قلنان مذکرده: مزاد قائمه سی مندرجاتیه ریاست مذکورنک اشعار واقعندن مفهوم اولدینی وجهله سالف الذکر اموال غیر منقوله نک تقرر ایده چک بدلی مجیدی اون طقوز غروش حسابیه و نقداً ایضا اولنق شرطیه مزایده یه چیقشارلش و مومی الیه الیازار افدینک دخی شو شرائط دائره سنده املاک مذکوریه اشترایه طالب اوله رق اولوجهله عهده سنه حاله قطعیه سی اجرا قلنمش اولمقندن ناشی بدل مزایده نک شرائط معینه سی خلافنده سندات بدلاتیه و تقاص و محسوب صورتیه تسویه سی اصولاً و قاعدهً غیر جائز اولدینی کبی داین دیگر اولان بانق شعبه سی مأموری دخی حصه مطلوبی نقداً طلب ایتمکده بولنش اولدینسندن بدل مزایده دن خزینة جلیله یه ویرلسی ایجاب ایدن مبالغک سندات مخصوصه ایله تسویه سی مأمورین عانده سنجه قبول و بولیده کی مسئولیت در عهده ایدیه رک استیفاسی مطلوب اولدینی ناطق دائره اجرایه رسماً بیانات تحریریه و قوعی حالنده بونک اوراق مثبته

مقامند حفظه ایجابک اجرامی وابق شعبه سینه عائد حصه نك دخی شرائط مزایده وطلب واقع دائره سنده تقدأ مشتریدن استحصالی لازم کله چکنک و محلی مأثورین مالیه سنک بر وجه محرر ورقة رسمیه اعطاسندن و مشتریک دخی بدل مذکور ی تقدأ تأدیه دن امتناعلری وقوعنده تکرار مزایده اجراسیله برابر نقصان بدک مومی الیه البازار اقدی به تضمین ایتدیرلمی مقتضیات قانونیه دن بولندیفنک جواباً ریاست مذکوره به تبلیغی لازم کله چکی افاده قلمشدر .

محاکمات قضاة

قره اغاج قریه سی اهالیسندن بنابوطک کیفیت قتلندن دولای جنایتله اتهام اولنان شمدوفر عمله سندن نیقوله ولد خاجی قوچونک اون بش سنه مدته کورکه قوتلشنه دائر ادره ولای استیناف محکمه سی جزا دائره سندن اعطا قتلان ۱۸۰ نومروی اعلام جبل لبنانک شوق قضاسنک واداینه قریه سندن مریمک کیفیت قتلندن دولای جنایتله اتهام اولنان سلیمان بشاده الیدرک اون بش سنه مدته کورکه قوتلشنه دائر جبل لبنان استیناف محکمه سی جزا دائره سندن اعطا قتلان ۱۰۴ نومروی اعلام حصیرجی اوغلی ابراهیمک ماده قتلندن دولای جنایتله اتهام اولنان مراد اوغلی مرادک اون بش سنه مدته کورکه قوتلشنه دائر قره حصار صاحب سنجاجی بدایت محکمه سی جزا دائره سندن ویریلان ۸۴ نومروی اعلام حاجی حسن بن عبداللهک قتل اولنسنندن دولای جنایتله اتهام اولنان کاسب بن شمسوارک اون بش سنه مدته کورکه قوتلشنه دائر بغداد ولای استیناف محکمه سی جزا دائره سندن ویریلان ۹۰ نومروی اعلام عرب احمد اوغلی علی نك کیفیت قتلندن دولای جنایتله اتهام ایدیلان کوچک حسن اوغلی حسنک اون بش سنه مدته کورکه قوتلشنه دائر منتشا سنجاجی بدایت محکمه سی جزا دائره سندن ویریلان ۴۸۷ نومروی اعلام مرزفون قضاسی اهالیسندن ملا اوغلی عثمانک کیفیت قتلندن دولای جنایتله اتهام اولنان آراباجی محمد بن حسنک اون بش سنه مدته کورکه قوتلشنه دائر اماسیه سنجاجی بدایت محکمه سی جزا دائره سندن ویریلان ۸۹ نومروی اعلام شیخ عباده بن عیسی التحفادینک خانه سندن

۴۲۴ نومروی نسخه ده مندرج درسمادت جنایت محکمه سی اعلامنک بقیه سی : توسیع تحقیقاته متعلق طرفینک دیه چکی اولدینی عندالسؤال الکلاشلمغه تحقیقاتک بوندن عبارت اولدینی بیان ایدلده معاون مومی الیه منهم دیستو- قلینک اشترا ایتدیک اشیا مقابلنده یالیزلی بر سکنی یارم انکلیز لیراسی برینه ویردیک بو صورته قلب اچمه سورجیلکنه اجناسار ایلدیک اخبارات واوزرنده قلب اچمه بولنسی وسائر دلائل وامارات الیه نایک اولدیفندن اول وجهله مجرمیننه قرار اعطاسنی طلب وادعا وویکل مدافع دخی قلب دنسلان اچمه لارک موکلنک نزدنده ظهور ایتدیک یالیزلی یارم انکلیز شیلینی بره آتدینی اخبار اولنقده ایه سده مخبرلرک موکلی الیه آره لرنده اچمه رد واعاده سندن طولای جزئی بر منازعه ظهور ایتسیله پولیسر طرفندن موکلنک دردست اولنسنه سیدت وبردکلی و برده بولنان اچمه نك سائر کسان طرفندن آتیش اوله جفتی واوزرنده ظهور ایدن قلب مجیدنک شایقه جیلردن آتیش ایدوکنی ومذکور یارم شیلنک اوزرنده بولند- یقی فرض اولنسنه بیله بوندن قلب سورجیلکی الیه مشغول اولسی لازم کله چکنی وعلی الخصوص مذکور مجیدی بی اصلا استعمال ایتدیکنک آکلاشیلدیفنی وسکزر طقوز اوفق چوچونی بولندیفندن مرحمت سنبه شایان ایدوکنی سرد الیه برانته قرار اعطا- سنی استعدا ومتهمده دیه چکی اولدیفنی بیان وانبأ اتملرله محاکمک اختتامی بالا فهم مذاکره اوطه سنه کیدلای .

تفصیلات مسرووده دن مستفاد اولدینی وجهله معاون مومی الیه جانندن منهم دیستو قلینک قلب سورجیلکنه جرأت اتمک فلیله مجرمیننه دائر مطالعه وویکل مدافع طرفندن دخی منهمک برانته منفرع مدافعه مسرووده و خلاصه ایدیلان ضوابط وسائر اوراق موجوده اوزرنه اجرا قلسان مذاکره ده منهمک انکارنه قارشو بر اخشام تخمیناً ساعت اوئبر راده لرنده غلطه ده حسب الوظیفه کشت وکذار ایدرلر ایکن اسکی کرک زقاغنده شایقه سی داوید الیه جافنسی ایلپالک منهم مرقومی طوئورق نزدنده قلب اچمه بولندیفنی سولملرله مرقومی دردست ایدرک اوزرنی تحری ایدرلر ایکن مرقومک بری قلب دیکری صحیح اوله رق بره ایکی عده یارم انکلیز آلتونی آتدیفنه وکندوسندن بر قلب مجیدی دخی ظهور ایتدیکنه حقوق عمومیه شاهدلردن قومیسر محمود وبولیس علی رضا افندیلرک مع القسم واطهار حق ایچون استماع قتلان سلیمان افندینک دخی بلا قسم

ایضای شهادت وینه حقوق عمومیه شاهدلردن ایلپا وشایقه سی داویدکده منهمک اشترا ایتدیک شایقه ایچون ویردیک تام و صحیح العیار یارم انکلیز لیراسی برتقریب الیه آوب اخفا ویرنه یالیزلی شیلین اعطا ایتسندن طولای اخذ وکرفت ایتدیرلیدی یولنده کذا مع الیهین تفصیلاً اخبار کیفیت ایلملرینه و بونلرک قلب اولدینی ضربضانه عامره مدیرینندن آلتان نذکره جوابیده اشعار قلمسنه وطعن ومدافعاته کلنجه شاهدلردن ایلپا وداویدک قانوناً شهادت لری تعطیل ایده چک اسباب کوریه مامسنه ومنهمک یالیزلی انکلیز سکسی بره آتدینی وشایقه مایه سنده دکشد برمی و ذاتاً بومقوله جرم دن طولای توقیف ایدلسنه نظراً انه کین اچمه لره دقت ایتسنک لازم کلسی وناویدلاً اقراری موجبنجه دردست اوله جفتی صروده فراده قلمشسی وکندوسنده رده قلب مجیدی چیمسی واساساً قلیز لکنک طولای محکمه جنایتک ۵۹ عددی اعلا میله اورافنک لاجل التیز ۳۱ مایس سنه ۱۳۱۷ تاریخنده استیناف مدعی عمومیلکنه تودیع قتلدینی قیداً آکلاشیلان واون سنه مدته قلعه بندلکه حکوم بولنان نیقولی نام شخص الیه و قتیله مناسبت پیدا ایتسی وبومقوله فعل الیه مظنون وشبهلی کساندن اولدیفنک ضابطه عدلیه تقریرنده دخی کورسلی یالیزلی اچمه سورمک دنا نئی قبول ایدر طاقیدن اولدیفنی میدانه قومیسنه فقط قلب مجیدی یی کندوسنک قطع ایتدیک و سوردیک آکلاشیله مامسنه منی منهمک یارم انکلیز لیراسنه عائد انکار وناویدلانی وویکلکنده بالجمله مدافعاتی التفاته غیر شایان کورلیدیکندن والحاصل منهم دیستو قلی ولد خرمیلوسنک اوچوز یکریمی سنه سی شباطک اون برنجی کونی ساعت اوزایکی راده لرنده غلطه ده اسکی کرک زقاغنده کائن شایقه سی دکاندن اشترا ایتدیک اشیا مقابلنده رنکی تغییر اولنیش یارم انکلیز لیراسی برینه بیله لره صرفه غیرتنه کوره بومقوله سورجیلک الیه مشغول اولدینی درجه نبوته واصل اولدیفندن اولوجهله مجرمیننه وجاهاً ومنفقاً قرار ویریلرک محاکمه اوطه سنه عودته قرار مذکور علناً قرائت و بیان اولندقده معاون مومی الیه مجرم دیستو قلینک قانون جزانک یوز قرق بشنجی ماده سنه توفیقاً تحدید جزاسنی ادعا وویکل مدافع موکلنک تخفیف جزاسنی و مجرم مرقوم دخی دیه چکی اولدیفنی بیان وانبأ اتملرله ختام محاکم لری بالا فهم مذاکره اوطه سنه کلدی

جهت جزایمی حقسنده دخی مذاکره کیفیت اولندقده مجرم دیستو قلینک حرکتی قانون جزانک

یوز قرق بشنجی ماده سنه موافق کورلیدیکندن ماده مذکوره ده د هرکم مالک محروسه ده مسکوکات اجنبیه به تقلیداً سکه قطع ایدر و یامسکوکات اجنبیه نك یوز قرق اوچنجی ماده ده بیان اولنان طرهار الیه قیمتی تنقص و یارنکنی تغییر ایلر و یا خود او مقوله قلب و ز یوف مسکوکات اجنبیه نك مالک محروسه ده ند اوله و خارجدن مالک حضرت ملوکانه به دخوله معین اولور و یا بونلرک سوردیه مشغول بولنور ایه موقتاً کورکه قونیلوره دیو محرر اولدیفندن بوماده حکمنه توفیقاً و ابتدای توقیفی اولان اوچوز یکریمی ایکی سنه سی ذی الحجه سنک یکریمی دردنجی کوندن اعتباراً اوچ سنه مدته کورکه قوتلشنه ومصارف محاکمه اولان جمعاً یوز قرق غروشک کندوسندن بالتحصیل تسلیم وزنه ایتدیرلمسنه بیک اوچوز یکریمی بر سنه سی حزرانک ایکنجی کونی قرار ویریلوب اصول فقهیمی ایفا قلندی .

کریاقونی ضرب ایتدیک ثابت اوله میان نصیبک برانته

زوجه سی کلثوم خانه تشهر سلاح ایتدیک ثابت اوله میان حاجی اسماعیلک برانته

عله آرمسند سلاح آتدینی ثابت اوله میان تحسین افندینک برانته

امینه خانی ضرب ایتدیک ثابت اوله میان ابراهیم واسماعیل وعباس و فاطمه نك برانترنه

عله آرمسند سلاح آتدینی ثابت اوله میان آندونک برانته

مجوی ضرب و جرح ایتدیک ثابت اوله میان واسیلک برانته

استاوری یی ضرب ایتدیک ثابت اوله میان واسیلک برانته

الثنی ضرب ایتدیک ثابت اوله میان کریاقونک برانته

حاجی محمدی ضرب ایتدیک ثابت اوله میان یوسفک برانته

مانویه اطاله لسان ایتدیک ثابت اوله میان قوچونک برانته

مانولی جرح ایتدیک ثابت اوله میان آرتینک برانته

امور دینک کلاهنی سرققت قصدیه اخذ ایتدیک ثابت اوله میان نورینک برانته

یورکی ضرب ایتدیک ثابت اوله میان طناشک برانته

مهرانه اطاله لسان ایتدیک ثابت اوله میان آرداشک برانته

یورکی به تشهر سلاح ایتدیک ثابت اوله میان علی نك برانته

زاندازه عثمانی اغای ضرب ایتدیک ثابت اوله میان یورکینک برانته

ماریفه یی ضرب ایتدیک ثابت اوله میان واسیلک برانته

یکدیگرله مضاربه ایتدیک ثابت اوله میان اسباط و دیقرا نك برانترنه

املبای ضرب ایتدیک ثابت اوله میان صاوانک برانته

قارمه یی ضرب ایتدیک ثابت اوله میان قالیوینک برانته

لثونی ضرب ایتدیک ثابت اوله میان یانینک برانته

نوریه خانه اطاله لسان ایتدیک ثابت اولان نظره خاتمدن بر آتون جزای نقدی اخذینه

غوغویی ضرب ایتدیک ثابت اولان حسیه نك برهفته حبسنه

اسماعیلی ضرب ایتدیک ثابت اولان اسماعیل بن حسینک برهفته حبسنه

نیقولی یی ضرب ایتدیک ثابت اولان قسطنیدن بر آتون آله رق مضروب اعطاسنه

دامیانوسی ضرب ایتدیک ثابت اولان رسولک بر هفته حبسنه

خدیجه خانی ضرب ایتدیک ثابت اولان راسمک برهفته حبسنه

سلیمک باره سنی سرققت ایتدیک ثابت اولان احمدک الی ماه حبسنه

مرتضانک بالطوسی سرققت ایتدیک ثابت اولان یورکینک الی ماه حبسنه

یکدیگرله مضاربه ایتدیک ثابت اولان رفعت و عثمانک برهفته حبسلرینه

طودوری یی ضرب ایتدیک ثابت اولان میخالدن برالتون آله رق مضروب اعطاسنه

مارقاره اطاله لسان ایتدیک ثابت اولان نیقولیدن یارم التون جزای نقدی اخذینه

خنیفه خانی ضرب ایتدیک ثابت اولان اسما و فاطمه خاتملردن ایکشر التون آله رق مضروبیه اعطاسنه

یانقونی جرح ایتدیک ثابت اولان قره نك اوچ ماه حبسنه وکندوسندن ایکی التون آله رق مجروحه اعطاسنه

قوتلیانی جرح ایتدیک ثابت اولان یانده لیک اوچ ماه حبسنه وکندوسندن بش التون آله رق مجروحه اعطاسنه

یورکی به اطاله لسان ایتدیکی ثابت اولان
حاریلوسدن برالتون جزای نقدی اخذینه
پولیس سلیمان افندی به اجرای مأموریت حالنده
حقارت ایتدکاری ثابت اولان واسیل ویورکیدن
برالتون جزای نقدی اخذینه
واحانی ضرب ایتدیکی ثابت اولان حسیندن
برالتون التهرق مضروب اعطاسنه
مصطفای ضرب ایتدیکی ثابت اولان دیگر مصطفادن
برالتون التهرق مضروب اعطاسنه
انی به اطاله لسان ایتدیکی ثابت اولان فرانسوانک
یش کون حبسنه
علی افندیکنک زوجهنه اطاله لسان ایتدیکی ثابت
اولان شاذمند خاتمند برالتون جزای نقدی اخذینه
درسعادت، بک اوغلی و اسکدار بدایت محکمه لری
جزا دائره لرجه قرار ویرلمشدر.

اعلانات

ارضروم استیناف معی عمریدکنده :
تعطیل عضو ماده سندن طولانی ارضروم استیناف
محکمه سی جزا دائره سنده محاکمه سی اجرا ایدلک
اوزره جنایتله اتهامنه قرار ویریلان بایوردک ملهمی
قریه لی اسعد چاوشک فرارده بولندینی اولباده کی
اوراق تحقیقیه مآلندن اکلشلمش سندن مرقومک هرزده
کوریلور ایسه دردستیل محکمه مذ کوره توقیفخانه سنه
تسلیمه بالجله ضابطه عدلیه مأمورلرینک مجبور و مکلف
بولندینی مشعر اشبو اخذ و گرفت مذ کوره سی ارضروم
هیئت اتهامیه سندن بالتظیم اعطا قلندی .

میانلرنده ظهوره کلان منازعه دن ناشی نامروانک
کارشم قریه لی الیاسک اوج پرمغنک جرح و قطعنه
سبیت ویرمسندن طولانی مظنون علیه بولنان قریه
مزبورده لی سلیم اوغلی عکاشه بن شریفک ارضروم
ولایتی استیناف محکمه سی جزا دائره سنده محاکمه سی
اجرا ایدلک اوزره جنایتله اتهامنه قرار ویرلمش
و مرقومک وادی فرارده اولدینی اولباده کی اوراق
تحقیقیه مآلندن اکلشلمش اولغله مرقومک هرزده
کوریلور ایسه دردستیل محکمه مذ کوره توقیفخانه سنه
ایصال و تسلیمه بالجله ضابطه عدلیه مأمورلرینک مجبور
و مکلف بولندینی مشعر اشبو اخذ و گرفت مذ کوره سی
ارضروم هیئت اتهامیه سندن بالتظیم اعطا قلندی .

قویاحصار قضاسنک میشار قصبه سندن اسماعیل
بن محمد ایله قبور بهانک قوز قشله قریه سی اهلینسندن

جزه اغالرك ایکی رأس اسبنی لیلأ سرقت ایتدکلرندن
طولانی مظنون بولنانلردن رفاهییه قضاسنک قجور
اغا قریه سندن خلیل اوغلی محمود و نازی پیکار
قریه سندن اسماعیل اوغلی درویش و موزیک اوغلی
قوی نام شخصلرك ارزنجان بدایت محکمه سی جزا
دائره سنده محاکمه لری اجرا قلنمق اوزره جنایتله
اتهاملرینه قرار ویرلمش و مرقومونک حال فرارده
بولندقلری اوراق تحقیقیه مآلرندن اکلشلمش
اولدیندن هرزده کوریلورلر ایسه دردست اولنهرق
محکمه مذ کوره توقیفخانه سنه تسلیمه بالجله ضابطه عدلیه
مأمورلرینک مجبور و مکلف اولدقلری مشعر اشبو
اخذ و گرفت مذ کوره سی ارضروم هیئت اتهامیه سندن
بالتظیم اعطا قلندی .

دوه چی جلودارلردن حاجی کریم اوغلی بوسنی
صوبه لرندن دولای مظنون بولنانلردن الاقیج قریه لی
داود اوغلی خالد و عیسی اوغلی مقصودک بایزید
سنجانی بدایت محکمه سی جزا دائره سنده محاکمه لری
اجرا قلنمق اوزره جنایتله اتهاملرینه قرار ویرلمش
و کندولرینک حال فرارده بولندقلری اولباده کی
اوراق تحقیقیه مآلندن اکلشلمش اولغله دردستیل
محکمه مزبور توقیفخانه سنه تسلیمه بالجله ضابطه عدلیه
مأمورلرینک مجبور و مکلف بولندقلری مشعر اشبو
اخذ و گرفت مذ کوره سی ارضروم هیئت اتهامیه سندن
بالتظیم اعطا قلندی .

قره کلیسا قضاسنه تابع خضر قریه لی هارونک
اوغلی کیغونک قتلندن طولانی مظنون علیه بولنان
اشاغی کند قریه لی حیتونک بایزید بدایت محکمه سی
جزا دائره سنده محاکمه سی اجرا قلنمق اوزره جنایتله
اتهامنه قرار ویرلمش و کندوسنک حال فرارده بولندینی
اوراق تحقیقیه مندرجاتندن اکلشلمش اولدیندن
هرزده کوریلور ایسه دردستیل محکمه مذ کوره
توقیفخانه سنه تسلیمه بالجله ضابطه عدلیه مأمورلرینک
مجبور و مکلف بولندقلری مشعر اشبو اخذ و گرفت
مذ کوره سی ارضروم هیئت اتهامیه سندن بالتظیم اعطا
قلندی .

نامروانک کارشم قریه لی خلیل اوغلی حسینک
اموالک اخذ و غصبندن طولانی مظنون بولنانلردن کور
مصطفی اوغلی ابراهیم و اسماعیل اوغلی محمدک ارضروم
استیناف محکمه سی جزا دائره سنده محاکمه لری
اجرا قلنمق اوزره جنایتله اتهاملرینه قرار ویرلمش
و کندولرینک حال فرارده بولندقلری اولباده کی اوراق
تحقیقیه مندرجاتندن اکلشلمش اولغله مرقومانک

هر نروده کوریلورلر ایسه دردستیل محکمه مذ کوره
توقیفخانه سنه تسلیمه بالجله ضابطه عدلیه مأمورلرینک
مجبور و مکلف بولندقلری مشعر اشبو اخذ و گرفت
مذ کوره سی ارضروم هیئت اتهامیه سندن بالتظیم اعطا
قلندی .

خنسک قریم قیا قریه لی خسرو بک کریمه سی
بنیت نام قادی خانه سندن قالدیروب احناقا اتلافنه
سبیت ویرملرندن طولانی مظنون بولنانلردن
قره چوبان قریه لی ناحیه مدیری اسرائیل و مراد
و دیگر مراد و کسطنونک ارضروم استیناف محکمه سی
جزا دائره سنده محاکمه لری اجرا ایدلک اوزره
جنایتله اتهاملرینه قرار ویرلمش و کندولرینک وادی
فرارده بولندقلری اوراق تحقیقیه مآلندن اکلش
شلمش اولغله مرقومونک هرزده کوریلور ایسه ل
هان دردستیل محکمه مذ کوره توقیفخانه سنه ایصال
و تسلیمه بالجله ضابطه عدلیه مأمورلرینک مجبور
و مکلف بولندقلری مشعر اشبو اخذ و گرفت
مذ کوره سی ارضروم هیئت اتهامیه سندن بالتظیم اعطا
قلندی .

بجارت بحریه محکمه سنده :

استانبولده سلطان حمای جوارنده طوبالیان خاننده ۳۶
نومرولی او طوده ساکن صراف داتریکیان سرکز
افدینک ۱۰ تشرینانی سنه ۳۲۱ تاریخندن اعتباراً
اعلان افلاسنه و مصالح افلاسیه نک رؤیت و تسویه سی
ضمننده اعضای محکمه دن عزتلو مارقار افدینک
ژوژ قومیسر و دعوی و کیلرندن قدری بکله پوزانت
ترزیان افدینک موقت سندیک تعینلرینه و مغازه سیله
اشای زائده بیتیه سنک تمهیرینه و اوراق و دفاترینک
جلبنه و کفالت مصدقه ابراز ایده مدیکی تقدیرده
حبس و توقیفنه و بوباده کی قرارک موقه اجراسنه
محکمه تجارت بحریه جه قرار ویرلمش اولدینسندن
قانوننامه تجارتک ۱۷۰ نجی ماده سی موجبجه دائمی
سندیکلر انتخاب اولنمق اوزره اوچوز یکریمی بر
سنه سی تشرین ثانیسنک یکریمی دردنجی پنجه کونی
ساعت یدی راده لرده اصحاب مظلونک محکمه مذ کور
ره نک مصالح افلاسیه رؤیتنه مخصوص او طه سنه کللری
اعلان اولنور .